

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ureda premijera, Vlada Zeničko-dobojskog kantona, na 120. sjednici, održanoj dana 09.09.2021. godine, d o n o s i

ZAKLJUČAK

I.

Prihvataju se mišljenja Ureda premijera i Ministarstva za obrazovanje, nauku, kulturu i sport, po Prijedlogu Zakona o izmjenama i dopunama Zakona o javnim priznanjima Zeničko-dobojskog kantona, predlagača Ćazima Huskića, zastupnika u Skupštini Zeničko-dobojskog kantona i čine sastavni dio ovog zaključka.

II.

Zaključak sa mišljenjima iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-1223/21
Datum, 09.09.2021. godine
Zenica

DOSTAVLJENO:

1x Ured premijera,
1x Ministarstvo za obrazovanje, nauku, kulturu i sport,
 1x Stručna služba Skupštine,
1x a/a.





Broj: 02-02-9664-1/21

Zenica, 30.08.2021. godine

Na osnovu odredbi člana 118. stav 3. i stav 4. Poslovnika o radu Skupštine Zeničko-dobojskog kantona – Treći prečišćeni tekst (“Službene novine Zeničko-dobojskog kantona”, broj: 14/18, 18/18-isp., 7/19 i 7/20), a postupajući u skladu sa aktom Stručne službe Skupštine Zeničko-dobojskog kantona, broj: 01-02-9664-1/21 od 07.07.2021. godine, kojim je traženo Mišljenje Vlade Zeničko-dobojskog kantona, na Prijedlog Zakona o izmjenama i dopunama Zakona o javnim priznanjima Zeničko-dobojskog kantona, Ured premijera daje sljedeće:

MIŠLJENJE

Obzirom da se predloženim izmjenama i dopunama Zakona o javnim priznanjima Zeničko-dobojskog kantona (“Službene novine Zeničko-dobojskog kantona”, broj: 6/13 i 2/14), preciziraju i poboljšavaju određena proceduralna pitanja vezana za podnošenje inicijativa i prijedloga, odnosno proširuje red predlagača, kao i način kandidiranja, za dodjelu javnih priznanja utvrđenih predmetnim Zakonom, mišljenja smo da su predložene izmjene i dopune opravdane, sveobuhvatne, te utemeljene na iskustvima aktuelne prakse u primjeni ovog zakona.

Također, uzimajući u obzir činjenicu da se radi o manjem broju predloženih izmjena i dopuna važećeg Zakona, mišljenja smo da se isti može razmtrati i u skraćenom postupku shodno odredbama Poslovnika o radu Skupštine Zeničko-dobojskog kantona.

Na osnovu naprijed navedenog Ured premijera predlaže Vladi Kantona da prihvati ovo mišljenje, te isto uputi u dalju skupštinsku proceduru.

Dostavljeno:

1x Naslovu,

1x a/a.



PRIJEDLOG

Postupajući u skladu sa odredbama Poslovnika o radu Vlade Zeničko-dobojskog kantona, („Službene novine Zeničko-dobojskog kantona“, broj: 5/11), kao i članom 118., stav 2. i stav 3., Poslovnika Skupštine Zeničko-dobojskog kantona-Treći prečišćeni tekst, („Službene novine Zeničko-dobojskog kantona“, broj: 14/18., 18/18-isp., 7/19 i 7/20), razmatrajući Prijedlog Zakona o izmjenama i dopunama Zakona o javnim priznanjima Zeničko-dobojskog kantona, („Službene novine Zeničko-dobojskog kantona“, broj: 6/13 i 2/14), koji je predložen od strane Ćazima Huskića kao zastupnika u Skupštini Zeničko-dobojskog kantona za razmatranje u skraćenom postupku, Ministarstvo za obrazovanje, nauku kulturu i sport daje sljedeće:

MIŠLJENJE

S obzirom da se predložene izmjene i dopune Zakona o javnim priznanjima Zeničko-dobojskog kantona, („Službene novine Zeničko-dobojskog kantona“, broj: 6/13 i 2/14), odnose na neophodna poboljšanja teksta važećeg Zakona i preciziranja proceduralnih pitanja vezanih za podnošenje inicijativa i prijedloga, odnosno proširenja reda predlagača, kao i načina kandidiranja za dodjelu javnih priznanja utvrđenim navedenim zakonom, mišljenja smo da su predložene odredbe izmjena i dopuna opravdane, sveobuhvatne, te utemeljene na iskustvima aktuelne prakse u neposrednoj primjeni ovog zakona. S tim u vezi posebno naglašavamo i činjenicu da je riječ o manjem broju predloženih izmjena i dopuna važećeg zakona tako da se isti može razmatrati u skraćenom postupku shodno odredbama Poslovnika o radu Vlade Zeničko-dobojskog kantona, („Službene novine Zeničko-dobojskog kantona“, broj: 5/11), kao i članu 118., stav 2. i stav 3., Poslovnika Skupštine Zeničko-dobojskog kantona-Treći prečišćeni tekst, („Službene novine Zeničko-dobojskog kantona“, broj: 14/18., 18/18-isp., 7/19 i 7/20).

Stoga predlažemo Vladi Zeničko-dobojskog kantona da uvaži ovo mišljenje Ministarstva i razmotri dostavljeni Prijedlog Zakona o izmjenama i dopunama Zakona o javnim priznanjima Zeničko-dobojskog kantona, („Službene novine Zeničko-dobojskog kantona“, broj: 6/13 i 2/14), koji je predložen od strane Ćazima Huskića kao zastupnika u Skupštini Zeničko-dobojskog kantona, te da isti uputi na dalje razmatranje u skraćenom postupku.

Broj: 10-02-9664-4/21.
Zenica, 24.08.2021. godine



MINISTAR

Prof.dr. Spahija Kozlić



08-07-2021

Broj: 01-02-9664-1/21
Zenica, 07.07.2021. godine

VLADA ZENIČKO-DOBOJSKOG KANTONA
n/r premijera
n/r sekretara ✓

ZAKONODAVNO-PRAVNA KOMISIJA SKUPŠTINE – svim članovima
putem Odjeljenja za poslove radnih i drugih tijela Skupštine i radno-pravne
poslove-04

PREDMET: Prijedlog Zakona o izmjenama i dopunama Zakona o javnim priznanjima Zeničko-dobojskog kantona - skraćeni postupak, predlagača Čazima Huskića, zastupnika u Skupštini Zeničko-dobojskog kantona - *dostavlja se*

Čazim Huskić, zastupnik u Skupštini Zeničko-dobojskog kantona, podnio je 07.07.2021. godine, u skupštinsku proceduru u pisanoj formi predsjedavajućem Skupštine Zeničko-dobojskog kantona Prijedlog Zakona o izmjenama i dopunama Zakona o javnim priznanjima Zeničko-dobojskog kantona, a isti je zaprimljen u Stručnoj službi Skupštine Kantona dana 07.07.2021. godine, te je predložio da se isti, shodno članu 140. stav 1. Poslovnika Skupštine Zeničko-dobojskog kantona – Treći pročišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), razmatra po skraćenom postupku, bez nacrt zakona, pošto nije u pitanju složen i obiman zakon, a isti je također dostavio i u elektronskoj formi.

Odredbom člana 128. stav 1. Poslovnika Skupštine Zeničko-dobojskog kantona je propisano da "pravo predlaganja zakona ima svaki poslanik, radno tijelo Skupštine, Vlada Kantona i općinsko vijeće", a stavom 2. je propisano da "o načinu podnošenja prijedloga zakona, njegovog upućivanja Skupštini, drugim tijelima Skupštine i zainteresovanim organima i drugim organizacijama i zajednicama, njegovog dostavljanja Vladi radi davanja mišljenja u slučajevima kada prijedlog nije utvrdila Vlada, njegovog razmatranja u Zakonodavno-pravnoj komisiji, shodno se primjenjuju odgovarajuće odredbe ovog Poslovnika koje se odnose na nacrt zakona".

Odredbom člana 118. stav 3. Poslovnika Skupštine Zeničko-dobojskog kantona propisano je da „nacrt zakona predsjedavajući dostavlja i Vladi radi davanja mišljenja u slučajevima kada nacrt nije utvrdila Vlada“

S tim u vezi, shodno odredbi člana 118. stav 4. Poslovnika Skupštine Zeničko-dobojskog kantona, dostavljamo vam na mišljenje navedeni Prijedlog Zakona i molimo dostavu mišljenja u propisanom roku od 30 dana, radi daljeg postupanja Skupštine po Prijedlogu Zakona u skladu s Poslovnikom Skupštine.

S poštovanjem,

SEKRETAR
Ibrahim Ajdagić

Prilog: Kao u tekstu

Dostavljeno:

(x) Naslovu
1x Poslancima Skupštine ZDK/05-03
1x Uredu premijera Kantona, n/r šefa Ureda
1x U predmet – „R“/05-02

05-03/07-07.21. 60

ČAZIM HUSKIĆ, zastupnik Skupštine Zeničko-dobojskog kantona

Zenica, dana 07.07.2021. godine

SKUPŠTINA ZENIČKO-DOBOJSKOG KANTONA			
Priljubeno	07.07.2021.		
Org. jed.	Str.	/mjeseč
01-	08-	9664	/21

ZENIČKO-DOBOJSKI KANTON
SKUPŠTINA
n/r predsjedavajućeg

PREDMET: Prijedlog Zakona o izmjenama i dopuna Zakona o javnim priznanjima Zeničko-dobojskog kantona – dostavlja se

Na osnovu člana 127. i 128. Poslovnika Skupštine Zeničko-dobojskog kantona -Treći Prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), podnosim Prijedlog Zakona o izmjenama i dopuna Zakona o javnim priznanjima Zeničko-dobojskog kantona, te shodno odredbi člana 140. stav 1. Poslovnika Skupštine Zeničko-dobojskog kantona, predlažem da se isti razmatra po skraćenom postupku, bez nacrtu zakona, s obzirom da nije u pitanju složen i obiman zakon.

Prijedlog navedenog Zakona ću takođe dostaviti i u elektronskoj formi.

S poštovanjem,

- PRILOZI:**
- Prijedlog Zakona o izmjenama i dopuna Zakona o javnim priznanjima Zeničko-dobojskog kantona
 - Popunjen obrazac Izjave o fiskalnoj procjeni (Obrazac IFP NE)
 - Zakon o javnim priznanjima Zeničko-dobojskog kantona («Službene novine Zeničko-dobojskog kantona», broj: 6/13)
 - Zakon o izmjenama i dopunama Zakona o javnim priznanjima Zeničko-dobojskog kantona («Službene novine Zeničko-dobojskog kantona», broj: 2/14)

PODNOŠILAC PRIJEDLOGA ZAKONA:
ZASTUPNIK SKUPŠTINE ZDK


Čazim Huskić

PRIJEDLOG

Na osnovu člana 37. stav (1) tačka f) Ustava Zeničko - dobojskog kantona („Službene novine Federacije BiH“ broj: 7/96, „Službene novine Zeničko-dobojskog kantona“ broj: 1/96, 10/00, 8/04 i 10/04), Skupština Zeničko-dobojskog kantona, na ___ sjednici, održanoj dana ___ 2021. godine, donijela je:

ZAKON

o izmjenama i dopunama Zakona o javnim priznanjima Zeničko-dobojskog kantona

Član 1.

(Izmjena u članu 3. – Inicijativa i uslovi za Počasnog građanina Kantona)

U članu 3. Zakona o javnim priznanjima Zeničko - dobojskog kantona, („Službene novine Zeničko - dobojskog kantona“ broj: 6/13 i 2/14), (u daljem tekstu: Zakona), stav (1), mijenja se i glasi:

„(1) Inicijativa za proglašenje Počasnim građaninom Kantona, na osnovu javnog poziva, podnosi se Vladi Kantona, koja se upućuje na razmatranje Odboru.“

Član 2.

(Dopuna u članu 4. – inicijativa i uslovi za Plaketu Kantona)

U članu 4. Zakona dodaje se novi stav (1) koji glasi:

„(1) Inicijativa za dodjelu Plakete Kantona, na osnovu javnog poziva, podnosi se Vladi Kantona, koja se upućuje na razmatranje Odboru.“

Dosadašnji stavovi (1), (2), (3) i (4) postaju stavovi (2), (3), (4) i (5).

Član 3.

(Dopuna u članu 5. - Pravo predlaganja Javnog priznanja)

U članu 5., stavu (1) Zakona, iza riječi: „udruženja građana“, dodaje se interpunkcijski znak zarez, te riječi: „poslanici, fondacije, pojedinci“.

U istom članu iza stava (1), dodaju se novi stavovi (2) i (3) koji glase:

„(2) Prilikom podnošenja prijedloga za dodjelu Javnog priznanja iz člana 3. i 4. ovog Zakona, predlagač treba da dostavi original ili kopije dokumentacije na kojoj temelji svoj prijedlog, osim ako se radi o sadržajima kao što su knjige, članci u novinama, članci/tekstovi sa internet portala gdje postoji cenzura i nemogućnost slobodnog pristupa izmjeni tekstova izuzev za administratore, naučni radovi i druge publikacije u kojem slučaju se dostavljaju prve stranice naslova, podaci o izdavaču i sadržaj, kada se dostavlja kopija. Kod dostavljanja tekstova iz novina, dostavlja se samo prva stranica novina i puni tekst sa stranice koji se odnosi na

predloženog/u kandidata/kandidatkinju, a kod dostavljanja članaka/tekstova sa internet portala mora se jasno vidjeti sa kojeg portala je preuzet članak/tekst.

(3) Prijava se podnosi u zatvorenoj koverti, na kojoj se obavezno mora naznačiti ko podnosi prijedlog za dodjelu javnog priznanja, kao i činjenicu da se podnosi Vladi Zeničko-dobojskog kantona i Odboru za javna priznanja.“

Član 4.

(Stupanje na snagu i objavljivanje)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-_____/21
Datum, _____, 2021. godine
Z e n i c a

PREDSJEDAVAJUĆI

Čazim Huškić

O b r a z l o Ź e n j e

I. PRAVNI OSNOV DONOŠENJA ZAKONA:

Ustavni odnosno pravni osnov za donošenje ovoga Zakona sadržan je u članu 37. stav (1) tačka f) Ustava Zeničko-dobojskog kantona („Službene novine Federacije BiH“ broj: 7/96, „Službene novine Zeničko-dobojskog kantona“ broj: 1/96, 10/00, 8/04 i 10/04).


II. RAZLOZI DONOŠENJA ZAKONA:

Predloženim izmjenama i dopunama zakona uređuju se detaljnije pitanja koja se odnose na činjenicu ko ima pravo da predlaže, odnosno da podnosi prijedloge za dodjelu javnih priznanja, koja na temelju Odluke Odbora za javna priznanja, verifikuje Skupština Zeničko-dobojskog kantona, kao i šta treba da sadrži dostavljeni prijedlog. S tim u vezi, dosadašnjim Zakonom nije riješeno pitanje oko načina dostavljanja dokumentacije, kojom se potkrepljuje dostavljeni prijedlog za dodjelu javnog priznanja, te je kroz dopunu člana 5. detaljnije uređeno predmetno pitanje. Na pomenute nedostatke u postojećem Zakonu, ukazao je i Odbor za javna priznanja Zeničko-dobojskog kantona koji je uočio da postoje određene nedorečenosti u predmetnom zakonu, koje zahtijevaju intervenciju zakonodavca, kako bi se uspostavila jasnija procedura oko precesa dodjele Javnih priznanja ali Odbor ne može biti predlagač za predmetne izmjene i dopune navedenog Zakona, jer nema ovlaštenje za to u odredbama Poslovnika Skupštine Zeničko-dobojskog kantona.

III. FINANSIJSKA SREDSTAVA POTREBNA ZA PROVOĐENJE ZAKONA:

Predloženim izmjenama i dopunama zakona neće biti potrebno dodatno osiguranje finansijskih sredstava u Budžetu Zeničko-dobojskog kantona, osim planiranih sredstava.

**PODNOŠILAC PRIJEDLOGA ZAKONA:
ZASTUPNIK SKUPŠTINE ZDK**


Čazim Muhić

OBRAZAC IZJAVA O FISKALNOJ PROCJENI

Obrazac IFP NE

A.1. Obradivač propisa	KCB		NAZIV				
	10010001		SKUPSTINA KANTONA				
B.2. Osnovni podaci o prijedlogu propisa							
Vrsta propisa/akte	Zakon	DA	Odluka	NE	Strategija	NE	NE
Naziv propisa/akte	Uredba	NE	Drugi akti	NE	Drugi akti planiranja	NE	NE

C.3. Izjava o nepostojanju dodatnih fiskalnih efekata predloženog propisa

Doručitelj Zakona o izmjenama i dopunama Zakona o javnim prihvatima Zeničko-dobojskog kantona neće imati fiskalne posljedice na Budžet za 2021. godinu u smislu obavezivanja dodatnih budžetskih sredstava, osim planiranih.

D.4. Pečat i potpis odgovornog lica obradivača, odnosno predlagača propisa Zastupnik Skupštine ZDK Čazim Huskić, podnosilac Prijedloga Mjesto i datum
 Zakona



Zenica, dana 07.07.2021. godine

dnom periodu; održavanjem časa historije o Kulinu banu u školama Kantona na prvom školskom času nastupajuće školske godine; održavanjem drugih prigodnih humanitarnih, kulturnih i sportskih manifestacija i dodjeljivanjem javnih priznanja u skladu sa Zakonom o javnim priznanjima Zeničko-dobojskog kantona što će se utvrditi posebnim Programom obilježavanja Dana Kantona.

Član 3.

(Program obilježavanja Dana Kantona)

Program obilježavanja Dana Kantona (u daljem tekstu: Program) donosi Vlada Zeničko-dobojskog kantona svake godine.

Nacrt Programa sačinjavaju Komisija za ravnopravnost spolova, ljudska prava i građanske slobode, Komisija za boračka i invalidska pitanja i Komisija za mlade na prijedlog kantonalnih ministarstava i drugih tijela kantonalne uprave.

Nacrt Programa sadrži: naziv programa, mjesto i vrijeme održavanja i nosioca aktivnosti-organizatora i dostavlja se Vladi Zeničko-dobojskog kantona najkasnije do 01. juna tekuće godine. Program potvrđuje Skupština Zeničko-dobojskog kantona najkasnije do 31. jula tekuće godine.

Član 4.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-10489/13

Datum, 07.05.2013. godine

Zenica

PREDSJEDAVALAČI

Sretko Radišić, s.r.

155.

Na osnovu člana 37. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 10/00, 8/04 i 10/04), Skupština Zeničko-dobojskog kantona, na 36. sjednici, održanoj dana 07.05.2013. godine, donijela je:

ZAKON O JAVNIM PRIZNANJIMA ZENIČKO- DOBOJSKOG KANTONA

Član 1.

(Predmet)

Ovim Zakonom utvrđuju se javna priznanja Zeničko-dobojskog kantona (u daljnjem tekstu: Kanton) i utvrđuju

uvjeti i način dodjele javnih priznanja Kantona.

Član 2.

(Vrste javnih priznanja)

- (1) Javna priznanja Kantona (u daljnjem tekstu: Javno priznanje) su Počasni građanin Kantona i Plaketa Kantona.
- (2) Javna priznanja iz prethodnog stava dodjeljuju se u obliku povelje, odnosno plakete, o čijem izgledu, na osnovu javnog konkursa, odlučuje Odbor za javna priznanja Zeničko-dobojskog kantona (u daljnjem tekstu: Odbor).
- (3) Jedinice lokalne samouprave mogu svojom odlukom utvrditi javna priznanja.

Član 3.

(Inicijativa i uslovi za Počasnog građanina Kantona)

- (1) Inicijativu za proglašenje Počasnim građaninom Kantona, na osnovu javnog poziva, mogu podnijeti poslanici, udruženja, fondacije i pojedinci, a podnosi se Vladi Kantona i poslanicima, koji prijedlog za proglašenje Počasnog građanina Kantona upućuju Odboru.
- (2) Skupština proglašava Počasnim građaninom strane državljanke koji su se istakli naročitim zaslugama u davanju podrške pravедnoj borbi za odbranu Bosne i Hercegovine od agresije, razvijanju međunarodne saradnje, razvijanju međuljudskih odnosa na načelima solidarnosti, demokratičnosti, humanosti i toleranciji među ljudima različite nacije, vjere, kulture i dr.
- (3) Počasnom građaninu dodjeljuje se Povelja Kantona (u daljnjem tekstu: Povelja).

Član 4.

(Inicijativa i uslovi za Plaketu Kantona)

- (1) Plaketa Kantona (u daljnjem tekstu: Plaketa) dodjeljuje se kao priznanje za doprinos razvoju Kantona u oblasti privrede, nauke, medicine, sporta, društvenih djelatnosti i umjetnosti.
- (2) Plaketa se dodjeljuje pojedincima i kolektivima.
- (3) Javno priznanje iz stava 1. ovog člana može se dodijeliti i posthumno.
- (4) Plaketa se dodjeljuje svake godine.

Član 5.

(Pravo predlaganja Javnog priznanja)

Pravo predlaganja Javnog priznanja iz člana 3. i 4. ovog Zakona, imaju preduzeća, ustanove, političke organizacije,

udruženja građana i drugi organi i organizacije i neposredno odbor Skupštine za dodjelu nagrada.

Član 6.

(Donošenje i verifikacija odluke)

- (1) O dodjeli Javnog priznanja, iz člana 2. ovog Zakona, odlučuje Odbor koji, na prijedlog Komisije za izbor i imenovanje Skupštine (u daljnjem tekstu: Komisija), imenuje Skupštinu.
- (2) Javno priznanje iz prethodnog stava verifikuje Skupština.

Član 7.

(Sastav i mandat Odbora)

- (1) Odbor se sastoji od predsjednika, zamjenika predjednika i pet članova.
- (2) Mandat Odbora traje do kraja mandata poslanika Skupštine koja ga je imenovala.

Član 8.

(Nadležnosti Odbora)

Odbor naročito:

- a) utvrđuje, po potrebi, bliže kriterije za dodjeljivanje Javnog priznanja;
- b) obavještava javnost o načinu i roku predlaganja kandidata za Javno priznanje;
- c) dodjeljuje Javno priznanje;
- d) utvrđuje sadržaj Povelje.

Član 9.

(Način rada Odbora)

Odbor radi u sjednicama i odlučuje većinom glasova članova Odbora.

Član 10.

(Naknada za rad u Odboru)

- (1) Članovi Odbora imaju pravo na naknadu za svoj rad.
- (2) Visinu naknade iz prethodnog stava utvrđuje Komisija.

Član 11.

(Poslovnik o radu Odbora)

Odbor donosi poslovnik o svom radu kojim se određuje način rada Odbora, način obavještavanja javnosti o radu Odbora, način i rok u kojem se podnose prijedlozi za dodjelu Javnog priznanja, rok do kojeg je Odbor dužan donijeti odluku o dodjeli Javnog priznanja, postupak obavještavanja javnosti o dodijeljenim Javnim priznanjima i druga pitanja od značaja za rad Odbora, u skladu sa ovim Zakonom.

Član 12.

(Opoziv Javnih priznanja)

- (1) Javno priznanje može se opozvati ako se dobitnik pokaže nedostojnim Javnog priznanja.
- (2) Opoziv Javnog priznanja vrši se na način i po postupku za dodjelu Javnog priznanja, utvrđenom ovim Zakonom.

Član 13.

(Način uručenja Javnih priznanja)

- (1) Javno priznanje Počasni građanin uručuje predsjedavajuća/predsjedavajući Skupštine, a javno priznanje Plaketa Kantona uručuje premijer Kantona.
- (2) Javna priznanja iz prethodnog stava uručuju se na svečanoj sjednici Skupštine, koja se održava na Dan Zeničko-dobojskog kantona.

Član 14.

(Javnost)

Imena dobitnika Javnog priznanja objavljuju se u „Službenim novinama Zeničko-dobojskog kantona“.

Član 15.

(Stručni i administrativni poslovi Odbora)

Stručne i administrativne poslove za Odbor vrši Stručna služba Skupštine, a funkciju sekretara Odbora vrši sekretar Skupštine ili lice koje on odredi.

Član 16.

(Evidencija dodjeljenih Javnih priznanja)

Stručna služba Skupštine vodi evidenciju o dodijeljenim Javnim priznanjima.

Član 17.

(Sredstva za provođenje Zakona)

Sredstva za provođenje ovog Zakona određuju se u Budžetu Kantona.

Član 18.

(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-10490/13
Datum, 07.05.2013. godine
Zenica

PREDSJEDAVAJUĆI

Sretko Radišić, s.r.



Godina XIX - Broj 2

ZENICA, ponedjeljak, 12.05.2014.

SKUPŠTINA

163.

Na osnovu člana 37. stav 1. tačka f) Ustava Zeničko-dobojskog kantona, („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04), Skupština Zeničko-dobojskog kantona, na 55. sjednici održanoj dana 31.03.2014. godine, d o n o s i:

ZAKON

o izmjenama i dopunama Zakona o javnim priznanjima Zeničko-dobojskog kantona

Član 1.

(Izmjena člana 2.-Vrste javnih priznanja)

U članu 2., Zakona o javnim priznanjima Zeničko-dobojskog kantona, („Službene novine Zeničko-dobojskog kantona“, broj: 6/13), (u daljem tekstu: Zakona), stav (3), mijenja se i glasi:

„(3) Javni konkurs iz stava (2) ovog člana, raspisuje i provodi Služba za zajedničke poslove Vlade Zeničko-dobojskog kantona, uključujući i realizaciju pratećih tehničko-stamparskih usluga konačno izabranih oblika javnih priznanja.“

Član 2.

(Dopuna člana 3.- Inicijativa i uslovi za Počasnog građanina Kantona)

U članu 3., Zakona, u stavu (1), iza riječi: „poslanici“, dodaju se riječi koje glase: „jedinice lokalne samouprave.“

Član 3.

(Dopuna člana 5.-Pravo predlaganja javnog priznanja)

U članu 5., Zakona, iza riječi: „imaju“, dodaju se riječi koje glase: „jedinice lokalne samouprave.“

Član 4.

(Izmjena člana 6.- Donošenje i verifikacija odluke)

U članu 6., Zakona, stav (1), mijenja se i glasi:

„(1) O dodjeli javnih priznanja, iz člana 2. ovog Zakona, odlučuje Odbor koji imenuje Vlada Kantona na osnovu dostavljenih i obrazloženih prijedloga od strane komisija Skupštine Kantona, kao i resornih ministarstava, i drugih kantonalnih organa uprave i institucija.“

Član 5.

(Dopuna i izmjena člana 7.-Sastav i mandat Odbora)
Član 7., Zakona, mijenja se i glasi:

„(1) Odbor sa sastoji od predsjednika, zamjenika predsjednika i pet članova, kao i sekretara i dva člana zadužena za stručne i administrativne poslove Odbora.“

(2) Članovi Odbora iz stava (1) ovog člana, su istaknute osobe iz svih segmenta javnih i društvenih aktivnosti, (obrazovanja i nauke, medicinskih i zdravstvenih dostignuća, privrednih djelatnosti, kulture i sporta, ljudskih prava i sloboda, odbrane i zaštite i spasavanja imovine i osoba, humanitarno-karitativnih i drugih socijalnih aktivnosti, nevladinog sektora).

(3) Sekretar i dva člana zadužena za stručne i administrativne poslove imenuju se iz reda državnih službenika i namještanika.

(4) Mandat Odbora traje dvije godine.“

Član 6.

(Izmjene i dopuna člana 8.-nadležnosti Odbora)

U članu 8., u tački a), riječi: „po potrebi“, se brišu.

U istom članu, tačka c), mijenja se i glasi:

„c) predlaže dodjelu Javnog priznanja;“

U tački d), iza riječi: „Povelje“, dodaju se riječi: „ i Plakete.“

Član 7.

(Izmjena člana 10.- Naknada za rad u Odboru)

U članu 10. Zakona, stav (2), mijenja se i glasi:

„(2) Vlada Kantona, rješenjem o imenovanju utvrđuje i visinu naknade članovima Odbora iz prethodnog stava.“

Član 8.

(Izmjena člana 15.- Stručni i administrativni poslovi Odbora)

Član 15., briše se.

Član 9.

(Stupanje na snagu)

Zakon stupa na snagu narednog dana, od dana objavljivanja u „Službenim novinama Zeničko-dobojskog kantona“.

(4) Ako se jednim uvjerenjem potvrđuje više činjenica, plaća se jedna taksa.

(5) Plaćanju takse iz stava (1) ovog tarifnog broja podliježu i elektronski podnesci, kao i svaki naknadni podnesak kojim se dopunjava ili mijenja prvobitni podnesak.

S obzirom na navedeno, na zahtjev kojim se traži izdavanje ovjerenog prijepisa ili službenog izvotka iz tarifnog broja 15. stav (1) tačka a) ne plaća se taksa u smislu stava (1) Tarifnog broja 24. Zakona.

Član 3.

(Primjena autentičnog tumačenja)

Ovo autentično tumačenje se primjenjuje i važi od dana primjene odredbe Zakona za koju se daje autentično tumačenje i isto će se objaviti u „Službenim novinama Zeničko-dobojskog kantona“.

Broj: 01-02-6531/14

PREDSJEDAVAJUĆI

Datum, 31.03.2014. godine

Zenica

Sretko Radišić, s.r.

164.

Na osnovu člana 158. stav 2. Poslovnika Skupštine Zeničko-dobojskog kantona – Novi Prečišćeni tekst („Službene novine Zeničko-dobojskog kantona“, broj: 7/12 i 12/13), Skupština Zeničko-dobojskog kantona na 55. sjednici, održanoj, dana 31.03.2014. godine, donosi:

Broj: 01-02-6530-1/14

PREDSJEDAVAJUĆI

Datum, 31.03.2014. godine

Zenica

Sretko Radišić, s.r.

AUTENTIČNO TUMAČENJE

Tarifnog broja 24. Tarife sudskih taksi, Zakona o sudskim taksama

(„Službene novine Zeničko-dobojskog kantona“, broj: 12/09, 4/11, 7/11, 2/12 i 9/13)

Član 1.

(Predmet autentičnog tumačenja)

Utvrđuje se autentično tumačenje Tarifnog broja 24. Tarife sudskih taksi, koja čini sastavni dio Zakona o sudskim taksama („Službene novine Zeničko-dobojskog kantona“, broj: 12/09, 4/11, 7/11, 2/12 i 9/13), (u daljem tekstu: Zakon), a kojim se precizira pravilan smisao navedenog Tarifnog broja.

Član 2.

(Pravilan smisao odredbe tarifnog broja Zakona)

Tarifni broj 24.:

„(1) Za podnesak kojim se traži izdavanje uvjerenja plaća se taksa u iznosu od 5,00 KM.

(2) Za izdato uvjerenje plaća se taksa u iznosu od 10,00 KM.

(3) Za potvrdu o pravosnažnosti ili izvršnosti koja se stavlja na sudski otpравak plaća se taksa u iznosu od 5,00 KM.

165.

Na osnovu člana 37. tačka f) Ustava Zeničko-dobojskog kantona i člana 45. Poslovnika Skupštine Zeničko-dobojskog kantona – Novi prečišćeni tekst («Službene novine Zeničko-dobojskog kantona», broj: 7/12 i 12/13), Skupština Zeničko-dobojskog kantona, na 54. sjednici, održanoj dana 13.03.2014. godine, donijela je:

**PROGRAM RADA
SKUPŠTINE ZA 2014. godinu**

I UVOD

Programske aktivnosti Skupštine Zeničko-dobojskog kantona u 2014. godini su determinisane ustavnim položajem Skupštine Kantona, kao organa zakonodavne vlasti, njenim ustavnim nadležnostima i nadležnostima Kantona uopšte.

Programski zadaci postavljeni su u cilju ostvarenja politike Skupštine kojom se žele urediti sve oblasti života i rada u nadležnosti Kantona.

Program rada Skupštine za 2014. godinu čine akti iz normativno-pravne, studijsko-analiitičke i informaciono-dokumentacione djelatnosti iz nadležnosti Skupštine Zeničko-dobojskog kantona koje su propisane Ustavom